

亦有生齋集

亦有生齋集詩卷第二十八

武進 趙懷玉 億孫

古今體詩

重光協洽下

河東君墓

嘉慶十四年攝常  
熟令陳文述脩

疑柳疑楊總一家

君本名  
楊愛

空山秋老感芳華成名終賴青雲

附好事偏能黃土加嫁失五茸生有憾封殊三錫死無嗟情

波忽作清流漾畱得泉供客煮茶

墓前有水甚清冽  
人名之曰柳泉

題屈表甥

頌滿

所畫鞠影

不多著墨澹留痕想見含毫自吐吞不是落英餐慣後那能

勾取此花魂

獨坐端相耐夜寒  
幕將瘦影入輕紈  
悟他身外傳神妙  
匣劍帷燈一例看

嘉善面城園看木芙蓉

荒園半畝瞰城隈  
爲訪西風醉客來  
卻怪今年花信早  
只餘一朵拒霜開

浙西道中

憶昨遊吾谷  
霜輕葉未紅  
今來楓柏外  
如入畫圖中  
樹是丹黃染  
舟還汶港通  
廿年前屢過  
風景略相同

烏鎮訪鮑明經

廷博

桐華溪上判風烟  
楊柳浜頭又泊船  
草草十年勞遠夢  
依依竟日話前緣  
縑緗贈喜歸裝富  
堂構勝知後起賢  
倚榻莫愁

腰腳倦

時君病足

重來會訪地行仙

鮑生

正言

明經孫也以聽烏圖乞題

誰廢蓼莪吟傷哉孝子心啞啞試傾耳烏亦有曾參

呼風天外數點叫月枝頭幾聲此際有人無寐知君兄弟同情

三春容易失慈暉反哺能酬願已違且喜重闢椿蔭好獨留老眼看高飛

書汪秀才

允燦

遺詩

潭水桃花記往時空畱長吉嘔心詩旁人方羨森珠樹何意先摧第二枝

剗肉深閨血未乾

君病篤妻沈封股以進

白頭老子淚沈瀾莫言生世

同泡影猶有遺文耐久看

題畢山人

涵

山水卷

老來無事寫青山摩詰雲西見一斑天遣烟霞長供養占將清福住人間

段孝廉

達和

五十九小像

我生歲在卯君生歲在酉我今六十五君亦五十九憶昔乍逢君濯濯如春柳刹那變滄熟忽忽成一叟明年杖於鄉邛竹早在手下有雙赤舄上有笠伊糾儵然神仙姿信哉巖壑友我雖甘自棄君胡忍終負得非枕肱樂較勝牛馬走此意默相通閒來共杯酒

次韻書楊明經

嵎谷

楚遊集

幾年遊楚國澤畔滯吟身爲客遠斯壯論詩妙在真何須美  
腰細已薄效眉顰乍見仍愁別將探鄂杜春

時擬作  
秦遊

竹坪圖爲汪上舍

恭

竹中自有子母慈孝原生一家只此滿坪清影便抵陔蘭白  
華

鷗波亭昔在告風月曾留勝緣嗟我卜居未就琅玕種待何  
年

不見君今五載平安時慰相思欲乞燒豬煮筍教人瘦俗都  
循

東坡字如畫竹與可竹如作書君能一身兼擅得師應在心  
虛

錢貞女詩

吾聞震川論未嫁義從父室女於其夫詎宜以身許又聞守  
溪言聖人準今古不律人所難亦不以難沮誠爲希絕行頑  
懦胥鼓舞近事誰可風卓哉錢氏女與薛寶中表昏姻是其  
所十三聞夫亡絕粒涕如雨慨然往夫家上堂事翁姥行之  
若固然幾微泯愠苦禮雖賢者過情實君子取爲賦貞女篇  
庶於名教補

病婦

病婦年年病今冬益費治金匱昏待刮角枕倦難支婦病一  
目失明  
著枕則氣逆經  
月不能安睡醫禱縈心劇關河卽路遲初擬十月赴  
秦以是中止明知  
爲貧迫忍便說輕離

吾生苦多病婦更不如吾謀已同鳩拙形選勝鶴癯忘憂真  
上藥求逸是良圖但記丁宜語休徒別思紆

題錢文敏

維城畫卷并序

吾鄉畫家自惲正叔後惟錢茶山尙書足以接武正叔  
以韻勝尙書以魄力勝也此卷渾厚華滋合元四家爲  
一手以較麓臺魄力殆欲過之乾隆甲午尙書弟季木  
維喬屬題爲賦五言古詩一首庚子

召試出南昌彭文勤

元瑞

門下文勤猶述及此詩以爲

知余者先在此也今爲休宜汪氏

承爨

藏弃物得所歸

亦可無憾惟卷中人墓俱宿草存者獨子與家陝北先  
生翼爾披展數四殊深今昔之感因成三絕云



尚書遺墨孝廉船往事回頭已卅年誰料桃花潭水上重參  
舜舉畫中禪

題詩都是舊詞臣少日塗鴉媿步塵且喜容指雙老眼天留  
後死話前因

山妻右目漸明詩以志喜

已分眇一目何期復兩明障看雲乍撥光比月哉生直有神  
爲佑兼因醫者精謂朱秀才光燦自今宜返視莫更傍寒檠

夜宿潤州旅店張司馬鉉招飲江深草閣

暮投逆旅拂塵纓忽荷嘉招枉步迎繞閣星辰高處動隔江  
燈火望中明酒傾寒夜難爲醉詩續新編倍覺清時示吳越游彙  
說花潭水千尺較量未抵主人情

京口渡江至瓜洲風浪大作入小口則水涸入大口則不  
得上前後竟覆三舟乃登陸至由牖復覓小舟赴揚州  
作

一葉萬頃中流行忽然斷渡顛風生眼看到岸僅尺咫排山

白浪當頭迎前舟已沉後舟覆但聽風聲雜號哭榜人猶欲

犯濤行

舟人欲逆流上爲前舟  
房物意蓋利其所有也

戟手喧爭任童僕此時身已

如蜉蝣傍灘遵陸沿瓜州重呼舴艋神色定居然又免蛟龍

收傷弓之鳥聞絃怯危機況復時時瞬

八月過丹徒舟入  
迴溜幾彌牖背

世

問事豈預能料禍患無端乘目睫男兒性命薄於紙置死置

生反掌耳出門未及二百里行路之難已如此

題吳貞肅

麟徵

與祝節愍淵札

如麻亂世任浮沉故里親朋證此心  
畱得尺書爲左券歲寒松栢各蕭森

乞罷難邀分不還滄桑只在一年間  
茫茫異代雙知己前有文山後戴山

海鹽吳秀才

修禪趣圖

分明居士身幻作比丘相除卻書畫禪  
心空無一障跏趺雙樹下意已出塵寰  
金粟如來後應栖金粟山

明孝子秦一誠先生

勵

像爲其十世孫

鶴題

錫山多孝子首遯南齊華泊乎明中葉  
維秦可方駕先生之學在一誠履仁蹈義終平生  
所嗟欲養親不逮白頭丙舍依阡塋雲蓬蓬兮覆松栢下有流泉出靈液  
天因至行示祥徵

人羨高風爲世則明德之後餘慶鍾到今艷說門基崇椎牛而祭一時耳豈若俎豆鄉閭中裒將手澤裝成軸展圖共仰遺容肅文孫十世什襲藏孝子之澤何其長

吳秀才

永慶

小梅花菴卷

昔聞梅道人曾築梅花菴丹青本非子昭敵消息能共堯夫叅君於道人恰同姓平生亦以梅爲命高齋十笏自經營瘦影數枝長揜映南湖派接汾湖流法書名畫供研搜有時一鼓渡江楫米家船作揚州遊遊興雖足豪閒居境尤妙寒香不用衝寒尋日日巡檐供索笑

臘八日大雪招同人夜集揚州客舍

天涯萍迹聚殘冬旅館寒深酒不濃窗外光添三尺雪樓頭

聲盡五更鐘粥香未抵僧徒餽羊瘦渾疑博士供同是爲飢  
驅使到不辭吳語夜啁啾

吐握

吐握風原渺逢迎術未疎客方嫌骨傲主正樂尸居世路誰  
騎鶴交情屬佩魚東南財賦地長策竟何如

吳祭酒

錫麒

以余有閩中之役招同江

漣

洪

梧

蔣

知節

三

同年汪太守

端光

貴觀察

徵

餞於小香南館各有贈句

而無五言古詩因補是體用以畱別

邗江風雪後旅舍苦湫隘故人隔城南好客不肯懈知我有  
遠遊先期煩遣价爰致盍簪朋來集開講解素心六七輩引  
若鍼與芥臭味旣以投談諧惟取快藏醞過醪鄰治蔬到蔥

薤鯖膳合五侯詩歌殊九派各有贈別言副之送行畫當其  
深導窾直比癢爬疥諸君潛蕩人出處兩無絀或隨岫雲歸  
或養鳥翮鍛自憐暮齒增猶作僕夫戒細數海內蹤未入秦  
中界敢爲修脯計聊補塵壙債過關聽雞聲渡川尋鹿砦去  
亦不留滯還當共情話庭方冷絮積墻已斜月挂交真潭水  
深淚欲岐路灑去去各珍重吾將從此邁

去揚州三里許河凍不得發

出郭裁三里前川凍已堅難尋鑿冰手似守阻風船塗有阮  
生淚襲無元叔錢此行跬步困天意厭青瑣

夜宿江深草閣曉起冒雪至丹陽

宵來江月照高閣坐愛窻明將燭滅豈知侵曉布同雲漸起

狂飈散飄瞥藍輿得得衝寒行垂幙尙難禁栗烈去時正遇  
射昨風歸日又逢迎面雪高穹茫茫眩銀海大地層層堆玉  
屑張網頓覺車輪埋謝傳頻教屐齒折無端忽斷與前桃徑  
滑獨憐行蹙躓此時華屋正有人低唱淺斟勸更迭又有高  
士臥空山紙帳梅花傲朝列我年衰暮久田居胡亦形勞使  
心恆近游若此遠可知作計誠疎勢相掣黃昏投店倦欲眠  
濕草爲茵身似鐵

聞河凍已解自丹陽發

霽雪執方盛霏霏夜嚮晨已迷行路客尙許問津人境且隨  
通塞心原絕滓塵如遊玉湖畔兩岸白無垠

臘月廿三日立春招同段孝廉

蓬和

莊徵君

字達

劉編修

嗣舊 蔣少府 純健 小集

應候條風拂樹新，蟠頭餘釀好迎春。  
豐年兆見雪三白，令節設宜盤五辛。  
且向深宵聊款語，未堪暮齒困征塵。  
歲首將江鄉從此逢良會，西望應憐舊酒人。

元默泥灘

元日

八日春猶淺

去臘二十三日立春

寒雲尙滿天，關山初入夢。風雪竟騎

年，商陸愁燒盡。屠蘇讓飲先，六旬重過六。霜鬢久皤然。

辭黃塘墓用前韻

再拜松楸地，將瞻秦隴天。貧難辭遠役，老敢客多年。  
願與椎牛左，行輪得馬先。若逢登岵屺，回首倍淒然。



將至秦中行有日矣效子美同谷七歌

有客有客字億孫歸田樓指已十春常爲近遊歲必返蹤跡  
半在東海濱無端故人遠投札招我策騎西入秦烏虜一歌  
兮歌乍起飢來驅人不能止

去冬久雪今春雨五日十日少乾土禾旣歉收麥將爛誰作  
媧皇以天補此時遊子正儼裝四顧陰雲接穹宇烏虜二歌  
兮歌未闕耳中驚聽聲潺潺

有弟有弟少鮮憂中年漸苦衣食謀無臺避債出門去歲晚  
猶滯之江舟安能成行若秋鴈寒蘆明月依滄洲烏虜三歌  
兮歌勉就我固不肥汝亦瘦

有婦有婦疾纏身與藥爐長爲緣口不言勞心自瘁檢點

行篋裝衣縣夜深相對作苦語頻頻問我歸何年烏虜四歌  
兮歌過半離觴在筵淚如霰

我年卅六兒甫生讀書蹉跎學未成衰齡跋涉仗扶掖聊復  
攜以修塗行諸姪崢嶸見頭角故園門戶須交撐烏虜五歌  
兮歌孰酬春風似翦寒侵裘

大河洪湖波相擊靈壁宿州多盜賊宣防振贍動糜帑客路  
頗聞行不得我今胡爲毅然違萬象春回共蘇息烏虜六歌  
兮歌轉豪花光隱隱紅林梢

浮雲富貴妄念一切掃但願身閒佚其老風塵之債山水緣  
重補平生所未了親朋排日走相送勸我得歸須及早烏虜  
七歌兮吟且住天涯芳草明朝路

送收菴先生入秦

周儀暉

三體遺經蚪篆廻  
娜嬛疑待蔡邕開  
裝攜綠籍河間本  
影落蒼芙馬上杯  
畫地司空圖早就  
候塵刺史騎頻催  
侵晨小吏當關望  
知有青牛載客來

青衫爭識白江州  
一曲琵琶唱未休  
江國鴛花春送別  
旗亭煙月夜聞謳  
僊蹤濟洛思元禮  
物望占星應太邱  
我到天南重寄遠  
折梅遙羨漢陂遊

送收菴先生主講關中三十韻

吳特徵

收菴先生今斗岳  
當代詞宗盡推服  
巨卿關右奉手書  
云幸先生遠來辱  
毅然策馬向西行  
維昔年已六十六  
或疑就衰胡遠遊  
應被飢驅謀館穀  
小子竊謂殊不然

斯人何足論心腹先生家世雖清貧薄田尚可給饘粥  
況歸山雲肯出山養賢卽飽天國祿迺辭十萬而受萬  
富豈真爲子與欲我意先生有二願不憚關山輾長轂  
秦中風氣本茂淳絕勝三吳染靡俗惟嫌士習樸而野  
未入詩書深沐浴近來又復遭兵氛半脫青衿佩黃犢  
先生此行擁皋比教之忠孝尙雍睦象山曾講來鵝湖  
晦翁教經談白鹿辨晰義利分毫芒能使諸生自濯濯  
卽此便是報國心願爲

皇家培植樸生平九州歷其七東方三大舊遊熟濟南  
名士盡壓倒積詩已滿二千軸猶欲慷慨參秦聲上與  
杜老相角逐思家尙未吟鄜州放歌先已追同谷更兼

古今類集卷三  
自古帝王州細展漢唐書再讀拔地青蒼華嶽雄臨關  
河湧長河濁夕照平添漢寢悲空坑還對秦灰哭雲松  
無恙南山南蒲柳依然曲江曲奚囊收盡古今愁宇宙  
長西顧方足先生聞之莞爾笑管中時復一斑矚我亦  
曾爲千里遊惜少雄詞寫盈幅近年請業事康成方幸  
扶風得私淑江干一夜春水生頗怪蒲帆去偏速南來  
若遇渡江鴻敢望賜書頻教育

送收菴先生主講關中三十二韻並寄朱虛舟方伯及  
陸劭文董方立兩秀才時皆在幕 管繩萊

青衫老司馬絳帳舊扶風姓氏諸侯重文章一世雄麴  
塵催社席零雨被詩筇初路過梁苑遙程逼漢宮夷門

弔貽狗磻石想非熊曉日潼關闕清鐘太華崇祭星來  
碧雉耕瓦出雕蟲樽俎樊川北鶯花灞岸東藍田多美  
玉沙苑產名驄上客青牛叟奇書白虎通風華鱸舍仰  
冰鑑驥羣空物望楊夫子經師戴侍中明星瑤思峻德  
水雪襟融海內推方伯天西倚庾公邵棠窺露冕桓柳  
識懸弓竹箭屯蓮幕榛苓入藥籠陸郎金屑貴董子玉  
杯充蘭茝曩時契珠璣到處工元瑜文善草仲蔚逕生  
蓬雲札稀銀手鱗賤盼綠瞳懷人宵夢月企遠夜占虹  
故里無膠漆他山少錯砮云辭太邱駕莫辨蔡邕桐蕪  
蒨征裾翠桃緋側帽紅登臨大龍首攜得小安豐先生攜哲  
嗣哲不意交羊祜猶知愛鄭同譚容傾一座歌許和三

功有生齋集詩卷三  
終祖帳鵝兒酒離筵鴨脚菰有詞飛藻鳳乏簡致金狻  
去國鵬陰騎還家韋曲鴻車前迎尹喜江表臥終童爲  
訊天涯侶誰能念阿蒙

月夜紅梅閣探梅

輕舸遡淪漣霽魄出滌汰言尋東郭幽欲訪南枝潔古觀暝  
色深虛堂暗香洩羣梅尙含葩一樹已如雪得氣有後先著  
花遂分別雖無燭高照自覺影清絕松下逢道人煮茶聊共  
啜凡骨少金丹元言空玉屑一從春風吹每苦塵事繼行將  
越關山更復勞跡轍難逢良夜遊況近花朝節紀勝如追逋  
莫教增悵結

二月初四日登舟以事逗留至二十日始發周孝廉

儀暉

管 緇萊

崔曾益

兩上舍載酒出城集策竹精舍作

兼旬西郭舟如膠今日東風帆欲動肩輿得得曉出城遠近  
親朋走相送須臾送者自厓返有客攜觴意珍重圓通菴畔  
策竹居地頗清幽堪集衆是時石畔瓊枝開庭有玉蘭更喜檐前  
珍鳥哢杯盤羅列主賓洽邀予父子連羣從高歌真覺有鬼  
神縱飲寧辭竭鼎鼐陽關怕唱第四聲短笛愁聽到三弄男  
兒生已不成名垂老馳驅安所用劇憐君輩太情深只有桃  
花潭水共漏盡還舟醉且眠又早寺鐘驚客夢

清明日京口雨中

五日辭家滯潤州清明時節迴添愁江山對此誰能遣風雨  
從它不肯休天爲積陰如宿醉人因惜別悔輕遊故園插遍



門前柳春色何曾到客舟

江行雜詩

樹頭乾鵲噪新晴風利初懸五兩輕猶記故人山谷句黃景仁仲  
則此江東下我西行

隔江烟柳望中微拍拍閒鷗掠水飛遙聽邨雞將近午一鈎  
月影尙依稀

儘有銀鱗柳貫顚小舟咿咿逐波開我來偏值無人賣孤負  
家攜斗酒來

垂楊兩岸漸藏鴉百里江程日又斜多少亂山渾不識一峯  
獨認是栖霞

戍火如星是斷檣夜船泊處望迢迢銅鉦畫角無端響棖觸

離魂黯欲銷

口當二道本洪流廿五年前記此遊

乾隆戊申自浦口取道至大梁

往日種

蘆今種柳沿江十里漲沙洲

險絕黃天蕩有名幾經戰伐幾昇平如今波已安瀾久不作  
薪王桴鼓聲

永濟寺堪供小憩梳粧樓果屬誰居千尋鍊索週遭繫多恐  
風吹入太虛

燕子磯頭接下關卻嫌洞壑未曾攀

燕子磯至下關有十二洞

分明身在

鷗波畫一面平蕪一面山

對江江浦翦江過從此征人日跨驃畢竟水鄉風景好扁舟  
安穩弄漁簑

遊永濟寺

重迦遊蹤卅載更恰來初地認題名暗泉時向巖前滴老樹  
都從石罅生倡俗那能離世障花殘猶自媚春晴忘情我羨  
娑羅子紅豆空勞淚結成

燕子磯用湛甘泉韻

翩然翔燕入雲間乘興登臨意獨閒寄語青山好相待兩三  
年準渡江還

登江浦中敵臺

明總兵閻水操之所一名尺五天俗名望江樓

近天尺五俯晴空二百年來雉堞雄江浦舊城明萬歷末築一綫江光

臺遠控四圍山色地居中魚龍寂莫全歸漲桃李芳菲乍舞  
風想像前朝頓兵處如今學稼換從戎

客舍雨

棠邑又逢雨天乎奈若何  
數程方浩渺問日太蹉跎  
雲樹千重隔鴛花二月過  
幾時歸計遂閉戶占吟窩

寄家書題後

家書裁罷遣奴回不盡言  
多緘又開若把金錢卜行  
客水程初歇陸程來

日日春陰釀峭寒休忘藥  
餌勉加餐深閨闌寂誰爲  
伴姑婦應同母女看

駱駝嶺

雨後山行滑筴輿仗健驟  
濕看松翠滴暗覺柳陰多  
地不聞雞犬人疑跨駱駝  
塵蹤從此遠鄉思費銷磨

清流關

絕巘重登眼界恢

乾隆戊申過此

雄關千載勢崔嵬周師先助興王

業韓國終慙古相才到楚地形高獨占環滁山色齊全開老  
僧自領閒中趣閱盡行人還復來

磨盤山

入山疑無門到口孰忽束稍進偶夷坦徐行仍繚曲遲同螳  
旋磨捷異猱升木轉豈止七盤至非能一蹴盡真壁上觀地  
訝壺中縮雲罅日微逗雨餘樹新沐回頭舊路失身已山之  
麓

三月五日臨淮作

艤鱗次截清淮初度人來易感懷蒿蔚此生哀已晚縞綦

何日隱長借塗仍未識甘輸馬廬倘能安願作蝸老負故園  
春事好卻攜穉子向天涯

驟轡

冒策款段馬亦乘薄策車策馬如所志乘車安其軀未嘗驟  
駕轡迺自茲役初驟強苦跳踉驟弱嫌趑趄有身不自由行  
止聽僕夫窗牖質易朽葺治時無虛偶然大風起塵沙盡穿  
窬面目半黧黑心骨幾剝剝廻念乘高軒巡歷東海隅文茵  
與華簪茗椀雜唾壺昔旣愧叨竊今敢辭馳驅豈無擁八騶  
或有跨一驢雖云判軒輊要不離勤劬何如謝輪蹄茅屋常  
攤書

宿州

乍指睢陽驛因過南宿州晴雲連堞峻漲水抱城流佩犢風  
難革栖鴻賑未休去歲水災今猶放賑我來民氣靖新麥綠盈疇

### 讀宋遺民錄

文山生死鼎翁祭至今讀文尚流涕西臺慟哭又何人魂招  
不來竹石碎冬青夜植聞唐林能護龍髓巢靈禽惇惶山澤  
十一輩首陽汨羅蹤可尋篁墩居士志千古義士行藏僕指  
數還將遺事輯一編苦心似慰諸宋賢慰諸賢破涕笑厓山  
沈淪沙漠造天意豈在庚申君藝祖子孫應獲報

### 峽石謠

未到張茅先登峽石峽石夾道張茅土爲壁峽石之石何  
嶢峣馬行容易車行難車傷輪馬傷足上者嫌遲下愁速

張茅謠

峽石在東張茅在西土垣插天高無由歷階梯兩崖之間不  
數武西騎若來東騎阻先聲奪人唱邪許

峭陵行

豫州之域多土山千丈百丈森孱顏人家半住古陶穴宛似  
蜂在蜂房間中有二峭傳自昔南陵北陵地通脉陵何崇兮  
徑何窄不知何年始開闢夏后墓已杳周文跡難尋蹇叔哭  
子徒傷心縱有孟明能悔過交交黃鳥難爲音霸業旋成四  
海主可憐阿房忽焦土行邁靡靡悄懷古此來且喜無風雨

函谷引

不願爲雞鳴客功或可稱名寂寂但願學騎牛翁五千言開



諸子宗河流湯湯接函谷自關以西孰如東從來地利勝天  
時無怪強秦世相續古曾作重鎮今可脩然行丸泥豈論時  
承平率車雖尙見牛迹適野那復聞雞聲君不見于于而來  
悠悠去出關入關自朝暮何以老子孟嘗能獨著

立夏日閩鄉道中

遊真成汗漫序已到恢台地久江南隔春從夜半回

三月廿六日丑

夏刻立

鶯花愁入夢櫻筍負銜杯欲訪閩亭柳斜陽影又頽

潼關行

峽關秦以固武關漢所興潼關名自潼水著高壓大慶與穆  
陵李唐屹然作重鎮太華中條翼秦晉或云形勢雖上遊設  
險距京嫌太近漁陽忽動鼙鼓聲天子下殿西南行當時爭

咎防關將特論其迹非原情哥舒本爲堅守計李郭謀深亦  
同意偏聽頻敕中使催慟哭引兵因失利君不見古來成敗  
皆由天晉公破蔡此凱旋時清只合供牛放潼關爲古  
桃林塞戰格  
連雲空恃壯

潼關官舍喜晤莊大所

春明錄別利那問子舍清尊喜再攀八袞身猶耽鄴架一生  
官未出秦關治原有譜聲華繼令子達吉時  
官潼關司馬交到忘形禮數  
剛小住約須三歲計擬邀君共返家山

附和作

遊秦尙在馬蹄間信宿淹留幸可攀細數親朋驚漸少  
周諮眠食感相關行杯酒勸循環飲展卷詩煩奮筆刪

安得遲來成二老閒雲共盼早還山

三月晦日晚謁華陰廟

午辭潼關驛暮抵華陰廟當門未見竒入戶乃知妙古碑嵌  
四壁老樹撐夾道槐栢列參差商周互偃抱亦有不知名枝  
葉無一肖人因紫氣來名遂青牛噪餘皆先秦遺已等自鄒  
請攝齊升庭階稽首瞻像貌旒纁至尊儀劒舄近侍導職惟  
鞭歛司功並岱嵩效自從陶媽巡早獲俎豆報其帝少昊尊  
其神蓐收號懸象應井鬼佑民及童耄有司走伏臘使者肅  
祭告綱昔明中葉災權地震暴迨入我

朝來屢賁

奎章耀胥因甘澍沛能應虫氓禱近經豆臣畢

沉

上請帑金

造呼吸帝可通赫濯神設教虔聞崇望秩詔豈同媚竈灝霞  
樓崔巍金城門險與旋登萬壽閣快愜四圍眺遠看百雉森  
近接三峯峭涇渭宛襟帶岷峨失窅窳嶽峙川滌洄青紫白  
繚繞暮色起風霾萬象歸籠罩去覺心流連住苦日昏眊始  
慚塵緣慳每受造物媚予生秉弱植少卽慕高蹈樂隨搏偃  
臥恥學靖千冒生資大藥攝訣問還丹要匪求久視方但冀  
沉疴療區區蝶蟻悃朗朗日月照自維願無奢或蒙神所勞

望華

昔在壬辰歲曾夢登華山今茲紀壬申僂指剛卅年居然踐  
秦遊迢迢入函關昨謁華陰廟傑閣容躋攀山高五千仞近  
在尺咫間可以摘明星可以搴井蓮豈知風霾重未露面目

全況兼暮色來凜乎難久延朝來上馬行太華已在前三峯  
白浩浩百里青絲絲迎送如有情顧盼失所專東西隔明晦  
向背殊雲烟誰爲賀老避疇作毛女僊會當俟秋涼信宿憩  
玉泉徐升蒼龍背再問白帝源

溫泉

驅車卓午來臨潼園亭花石何玲瓏長官招予襍被宿人言  
舊是華清宮華清宮在驪山麓下有溫泉孕靈淑想見當時  
萬乘遊年年成畹邀湯沐海棠零落池草荒樵夫牧豎紛來  
翔承恩難問貴妃迹餘潤特傳太子堂摩挲古碣松滋重後  
列題名遍唐宋就中亦遭沙石劫相傳浴池幾石皆舊碑爲前令某磨去似有  
泉聲訴冤痛君不見貞觀中降醴泉天寶間洗祿山區區一

水何足計得之則寔失則沸

楊太尉墓

淒絕夕陽亭遺言不忍聽鳥猶悲有淚主竟闇無靈四世門  
基盛千秋祀事聲佳城歸然在想見露喪停

紀將軍祠

女子潛披甲將軍詐乘輿事須權急耳身已辦焚如殉義苛  
縱並論功絳灌初祠堂臨大道過客每歎歔

郭汾陽故里

舊宅親仁已久荒尙看道左列崇坊功高誰得邀全福代遠  
人還重故鄉四海威名懾豺虎一生純節息蜩蟬才如晞暖  
能勤國門祚端因忠孝昌

寇萊公墓

一戰能收河北兵，前星亦賴片言明。  
大臣曾定宮中策，天子偏羞城下盟。  
傳讀霍光心本悟，誓忘丁謂氣何平。  
道旁枯竹猶重活，何怪墳前宰樹榮。

入秦紀行

并序

浦口蹶足秦中息，肩時逾三句有三詩得卅首有四諺。  
謠之音知無當乎大雅，聞見所及聊以志其浮蹤而已。  
垂老真慙汗漫遊，不知我者謂何求。縱然略攬河山勝，終遜當年筋力遒。

計程第一是淶陽，彈指重來廿五霜。  
豐樂醉翁亭都未到，追思舊迹已茫茫。

琅琊西去地多山  
綠白縈青遠近間  
莫笑關津無候騎  
兩行迎送有烟鬟

山光盡日供吟眺  
山下多情更有泉  
不惜導人行屈曲  
聲聲都在馬頭前

錦綉霞蒸是處村  
元都往事怕重論  
野人看得穠華賤  
一任花開自閉門

葦綃萬朶散瓊英  
紅雨休同白雪爭  
解讀退之詩句好  
桃花不及李花明

無言桃李下成蹊  
惆悵何由酒榼攜  
却笑重泉戀春色  
家家冢上插棠梨

水匯河湖入望迢  
我來空自喚招招  
斷甃碎石漂流盡  
猶有



人稱須馬橋

界河有長橋相傳爲須馬二姓築以利涉

漸覺春衣稱體輕  
艷陽時節喜新晴  
朝來忽索狐裘換  
一夜西風到五更

陰多常恐渾埋馬  
晴久更愁塵撲人  
安得天公細斟酌  
教它十雨五風勻

土飯塵羹逐日過  
折磨人最是雙騾  
直如一粟將箕簸  
又似虛舟被浪拖

鴉在梁兮鳥在枝  
翩然飛處影參差  
水鄉別有閒風景  
中立一雙白鷺鷥

礪山雲氣猶存否  
柳影隋隄可尙尋  
聞近永城添客緒  
江南行盡入河南

藹藹平疇麥氣連何人好事結花緣  
大邱城外無多路遍種天桃當藝田

纔過夏邑又商邱都說先人棠蔭留  
我是子孫慳一拜翻勞

黎亦祀春秋先尚書嘗宰商邱今縣中有祠香火極盛

村荒偏喚鸚哥集壘廢難爲燕子家  
畢竟春陰看花好霧中情味夢生涯

幾家松栢繞新阡亦有荒邱犁作田  
何事多牛翁得意居然造象象祁連

去年講舍紫蒙茸幾費山翁灌溉功  
今日大隄千萬樹問誰管領只束風

魚海講舍有新栽紫藤一株

捲地楊花作雪飛飛來但解點征衣  
清明穀雨匆匆過又送

春光一度歸

麥遍平疇菜滿畦等閒官道許耕犁野夫歲換南東畝無怪  
人來路易迷

飛揚忽逞大王雄十丈黃埃蔽日紅不是人心太無厭泥塵  
又想雨濛濛

紫蓋童童高入雲摘來朵朵有清芬尋根不是龍門派一例  
嘉名讓與君

自永城以西多有高樹花  
紫色香土人名爲桐花

小住扶溝日近晡瓊輪夜滿客心孤陸程屈指秦關路月半  
剛逢在半塗

輪蹄擾擾煥寒移春淺春深渾不知畢竟官衙饒富貴鼠姑  
滿院放多時

扶溝署  
見牡丹

朝襲重裘猶道冷午披白袷尙嫌溫在家已是難將息說與  
征人更斷魂

鄆陵戰迹已全荒許國神爭數馬王五女死貞非死孝誰將  
軼事辨齊梁許州五女店馬王最靈五女有祠舊傳養父不  
嫁父卒與父之養子爭葬不遂而死說殊荒謬  
志乘則以爲五女齊梁間人寇欲掠之  
父兄死於闕五女同日自經其說近似

纔收雷雨旭旋升遠樹平添綠萬層好把籃輿續殘夢夢中  
可便到毘陵

八里橋邊廟食尊報曹那敵報劉恩幾人不爲稗官誤尙有  
韓陵片石存去許州八里爲八里橋俗傳爲關帝挑袍處廟  
中碑碣頗多皆附會演義惟巡撫畢沅碑文差

爲得  
體

夾道松杉欲碍人綠陰如幄草如茵青山別久欣重見可惜

雲遮看不真

華礪沙田路不平岸容拱似兩崖迎宛然身在丹陽道一是  
舟行一陸行

一雨濃春凜若秋霏霏晝日迴添愁忽然烟際隱孤塔知道  
前頭近汝州

汝州亦有溫泉在但聽華清說太真一樣唐宮威禍水母媚  
此處不如人

蕭寺何年廢不修漂搖風雨孰綢繆可知佛也難逃劫東草  
遮身瓦蓋頭

入耳驚湍駭似雷呂梁洪後此雄哉如何平地風波起昨夜  
水從熊耳來

伊水何如洛水平  
澗瀍想見舊齊名  
兒童踏浪爭扶掖  
只當門生昇我行

正是青霞氣鬱時

塗中肝疾頗發

沉聞苦雨更難支  
人間軒冕原如

此未歷泥塗已儘知

澗池大會憶強秦  
壁奔連城氣足伸  
我慕蘭生如犬子  
乘軒論蜀彼何人

偶然偏仄偶然平  
耳食何如目驗精  
峽石張茅都道險  
我來只當坦塗行

序入恢台節物新  
故園櫻筍已紛陳  
空山除却青青麥  
也有閒花肯殿春

呂仙閣上試攀躋  
日照潼關萬象低  
一道黃河判秦晉  
中條

北峙華山西

紛紛絲竹藉陶情

伊爾根覺羅觀察嵩溥莊司馬達吉排日張樂設飲

草草升輿帶宿

醒可惜風靈連日重不教仙掌看分明

荒原祠墓列斜陽

華州有紀將軍祠楊太尉墓郭汾陽祠寇萊公墓

憑弔猶令過客

傷縱有勲名遺恨在幾人晚景似汾陽

陳蹟驪山已久蕪華清池水近來枯響堂別自開生面一派

琤琮萬斛珠

行近青門暝色催故人候騎謝頻來三千客路裝初卸又了

風塵債一回

晤盛觀察

惇崇

之次日辱投以詩復招同看芍藥賦此荅

之

故人持節關中久天各一方情莫剖昨來未到青門邊遣使  
先邀官道口籠燈夜登大雅堂參差竹石屈曲廊欣然執手  
叙契闊彼此訝添頭上霜咄嗟治具殷勤款談深但覺更籌  
短朝來復枉高軒過錯落珠璣懷裏滿多君善書兼善詩長  
篇大章信手題杜陵語出驚人耳白傅吟成解姬願讀罷新  
詩思拾滿折柬又招花下飲涼軒煥館望若雲嘉卉繁英列  
如錦巖前五色罌粟新窗裏數枝婪尾春紅燈綠酒互相映  
國士名姝總絕倫浩態狂香看不足清歌未已清尊續就中  
最好金帶圍應爲使君兆枚卜同是當階詠藥人忍從西掖  
溯前塵君方霄漢乘時起我已關山失路頻酒闌振觸閒情  
緒十年別甫今年遇側聞上考卽殊遷只恐我來君欲去



亦有生齋集詩卷二十八

五日朱方伯勳招飲

把酒曾酣婪尾春又逢采艾紀芳辰  
旅愁易觸天中節雅會偏宜物外身  
投轄醉拌今日永巢林穩忘故園貧  
愛才好客如公少逆幕賓僚並絕倫

董子墓

下馬陵前過墳荒尙有碑驕王能待士  
高弟竟忘師希世榮身早窮經食報遲  
江都舊遊地曾拜大儒祠

子殷

姪學彭校字

亦有生齋集詩卷第二十八

亦有生齋集詩卷第二十九

武進 趙懷玉 億孫

古今體詩

元默涪灘

五月十日辛巳驟得風眩之疾已無更生之望矣病閒有  
作

幾番伏枕失朝昏如旋高穹轉厚坤百體盡非吾所有一心  
稍賴主能存狐馴野性歸邱首蟲咽驚風集樹根除卻思歸  
萬緣釋夜啼應化子規魂

五月十七夜病中夢遊一處得紅紫一聯覺而作此

芳時容易發悲歌況有園亭暇日過紅紫眼前風播弄丹青

局外酒消磨五更鼓吹雞三唱百歲居遊蟻一窩欲就華山  
狂道士問它眠訣近如何

夢回

夢回虛館見燈殷蟲鳥無聲萬慮刪偕我行藏一枝筆斷人  
骨肉幾重山病魔漸入膏肓內秋氣先侵枕席間羸得連宵  
開倦眼幾曾身到黑甜還

匡牀

塊然病骨日嶙峋八尺匡牀七尺身縱有叢殘莫遮眼空教  
咀咬勉沾脣思家夢遠難尋路侍疾奴頑少替人白日不低  
難又啞最難遣處是昏晨

憂旱

無端伏枕過兼旬望澤心同赤土民旱久未邀天悔禍病多  
早向世嫌身綠陰庭院空如水紫陌輪蹄幾逐塵且向三峯  
過三伏嚼殘冰雪嚼星辰

讀同年黃大令

錯

縱筆二首次韻

往事重思總謬悠悔來如艾灸眉頭君艱升斗猶非病我困  
膏肓孰解憂體怯恍驚風入帳夢回常值月當樓楚江不待  
逢秋漲早引歸心逐水流

五官幾欲離吾身尙有胸中氣未馴菩薩金剛皆本性閻羅  
柱國亦前因老偏難健慳全福病未曾疎感故人塲不如彭  
彭亦幻恆沙同是一微塵

送盛觀察

惇崇

薦入都

起衰良藥錫頻頻病中屢荷藥餌之惠鮑叔能憐管子貧方喜十年追

昔款又看三接拜

新綸治原有譜棠畱晉尊甫太守君官絳州最久化本無形雨徧秦時方久旱

君每過請舍則必有雨後會未知容易否五雲北望倍勞神

陸孝廉繼格夢與余坐白雲溪得詩醒而錄寄次韻答之

歷徧青楓與白楊夢中識路不知長分明月落荒雞唱猶是

人間夜未央

讀楊司馬瑛遺藁

廣陵別後隔人天忽喜郎君拜榻前一事九原應笑慰有兒

早使父書傳

談龍錄亦附龍行快論何如心氣平解得唐人三昧在桐城

眞善學新城

故交如雨散燕臺零落詩篇與酒杯  
垂死病中重把卷定知詞客有靈來

病中周上舍

爲漢

以詩見慰次韻答之

綠陰寂寂晝如年孤榻重衾鎮自憐  
但恃友朋爲性命偏教貧病作因緣  
有身已是人生患無地能將世網捐  
修到維摩猶示疾好營十笏共逃禪

六月十五夜用少陵鄜州韻

又逢圓月上官惜倦眸看病過三旬  
久眠無一夕安屢生虛室白慣耐曉  
衾寒此際悲身世何曾涕淚乾

七夕

靈辰六十六最苦病今番藥石資秋氣花瓜憶故園有情生  
便累无妄疾疑寃伏枕窺河漢流光簷際翻

七月十四對月仍用小陵鄜州韻

月又當窗皎人仍臥病看鳴秋蟲已警繞樹鵲難安疊枕常  
嫌矮添衾尙覺寒負他清夜景不照酒杯乾

聞雞

寂寞誰能伴五更窗前珍重畜長鳴可憐老病雄心減聽盡  
膠膠舞不成

七月十六夜月食旣

正喜秋宵好清輝夜夜添忽教煤一搭盡掩鏡全匿虐忍妖  
墓煽形驚顧免潛病夫同籲禱伏枕待明蟾

挽錢大

伯垌

病聞惡耗倍心驚客淚西風又一傾謝傳高門前子弟杜陵

同學舊公卿

君爲文敏從子乾隆乙酉與余訂交於京師姜尚書晟畢尚書沆皆君少共遊處

斯人

竟以章縫老有子居然頭角成

得子最晚

行誼故應鄉社祭不徒

羣震善書名

中秋夜集同人小飲

我病百日愁沉綵天邊月已三度圓可憐伏枕不得見但有  
流影來牀前昨宵月色穿窗早今夜中秋應更皎呼童扶掖  
出寢門肆設長筵集朋好分曹拇戰還藏鉤座中有客工清  
謳更番倚和雜箏瑟聽久不覺催更籌卻怪浮雲吹不散倒  
盃尊罍無月看嬀娥深閉廣寒秋似與病夫同一倦始知於



事百不宜月出月沒皆非時陰晴聞說同千里爲問鄉園可如此

百感

客中痼疾與秋深百感都從枕上侵鐵鑄錯成難悔過蠟流  
淚盡久灰心明知妻子隨因幻何苦田園著意尋只有未銷  
餘氣在時時方寸起高岑

九日

連朝秋氣太蕭騷風雨重陽獨把醪莫怪招尋無過客本來  
衰病廢登高徑荒虛憶淵明鞫才短慵題夢得餘儘遇佳辰  
總孤負繁霜一任滿顛毛

讀樂天病中詩書後

樂天六十八風痺乘其衰體癢而目眩左足苦不支我病雖  
與同卻輸兩年遲痛更連臂肘半體皆顛危夜臥費轉側朝  
起需掖持公心棲釋梵旁究聃周辭我慚學道晚未曾涉藩  
籬偶繙素靈篇問答迷軒岐公能享安枕我少合眼時公能  
沃三杯我久謝一甌況公卻和扁身則求良醫又公笑火艾  
已望鍼灸施崇禱冀默佑星卜勞周諮公時早居洛賓客兼  
分司榮辭同州命閒與香山宜逍遙履道里竹木饒園池家  
伎善歌舞天倫叶壘簾我則殊不然罷官恆苦饑迢迢來秦  
關患在爲人師福淺災何深遽致痼疾罹欲住非久策欲歸  
梗行期曾無藤牀昇那聞駱馬嘶有奴蠢且劣違計蓄柳枝  
當其入翰林又嘗拜拾遺立朝著忠讜異代敢等夷卽以處

境論良然亦難追所稍倣公者侍疾剡下兒所願學公者唯  
有爲歌詩豈邀喧衆口但欲解嫗頤聊廣病中吟用以貽所  
知

立冬

風到不周急難爲病客聽醫誰精素問序又入元冥屢覺炎  
涼換空求卜筮靈

友人爲余揲著  
云十月可愈

無聊徵爾雅吉語是安寔

送周上舍

爲漢

省兄桂林

十月青門下肅霜驪歌忍復送周郎一身已斷妻孥夢萬里  
重聯兄弟牀騎馬休爲嘔心句驂鸞且覓養生方嗟予同客  
還同病此別多人淚數行

附和作

木葉蕭蕭黯有霜青門又別白衣郎  
鱸堂遠隔春風座  
雁席遙尋夜雨牀離果書多應抵聚病如靜久不須方  
感公力疾吟詩送珍重臨岐墨數行

十月十一日大雪

四更忽覺夜窗明曉看庭前積玉霏  
豪興近來同酒減病軀分外怕寒生  
天花亂作繽紛影樹鳥飢無啁哳聲  
此際灞橋驢背上幾人吟得好詩成

十三日又大雪

侵曉聞僮語今朝雪更稠人疑寒作景  
天與病爲雠炭瘦爐還擁燈殘炷好畱  
此身如縮蠅已早悟浮休

金谷歎

珊瑚四尺光爛然張燈夜飲金谷園金谷花開徧桃李當筵  
況是知名士主人醉後默不歡明珠易得傾城難萬金何妨  
買一笑要使豪舉空無前三公七貴皆如煙卿月頭銜亦風  
雅偶思歸理計然書蘭橈穩勝蘭臺馬管領煙花泛五湖傲  
它張翰飽蓴鱸一朝忽起同舟噉四面都成下石徒絲蘿爭  
託原如戲水火交攻亦何意寒谷春叢天可移熙來攘往人  
爲利盛衰從古推遷速回首蓬蒿滿金谷試看當年石季倫  
始知富果不如貧

送盛糧儲

惇崇

按察江右

纔迎金節返清秋陳臬重爲章貢遊使者寵方承

北闕先公澤早徧南州傳家共羨明廷蔭弼教行瞻憲府猷

快聽殊遷憐遠別喜心倒極轉成愁

步塵薇省卅年餘細數交情漆不如胸可繪圖齊盛度蹟應  
訪勝到匡廬謾期良會聯它日好寄新詩慰索居我病未能  
隨帳飲祇將魂夢逐旌旗

附和作

日下相攜幾度秋入關重喜伴清遊素心逕外望三益  
老氣筆端橫九州虎席縱談隨品隲豸冠承

寵媿經猷劇憐一櫂章江去落葉紛紛動別愁

正值維摩抱病餘臨歧執手一悽如參苓此日畱殊地  
松鞠何時返故廬犀節移來猶宦海鱸堂靜極卽山居  
願君頤養神明健春暖歸車早建旗

雙樹歎

庭前有雙樹一強而一弱強者日扶疎弱者日黃落強雖厚  
稟賦弱豈甘菲薄獨怪造物私因之意偏託或滋雨露恩或  
肆風雪虐榮堪集鸞鳳枯不棲烏雀彼遂凌雲霄此竟委溝  
壑當其始根莖同受氣磅礴胡爲忽頓殊判然而成各維人  
亦參差萬類有乖錯旨哉古名言我愛范孟博教惡惡不可  
教善未爲惡志士發長嗟達人付大噓不見大椿樹春秋雖  
計度亦有舜作華今開已非昨強休恆自逞弱亦了無忤但  
以成敗論塵胸何不擴

謝同年董撫部

敦增

惠酒

酒爲養生主由來長百藥既專資導引直可起衰弱我本高

陽徒江湖常落拓自從遊青門經月風痺作未中內腑臟已

纏左手腳始好齋物勁近嫌蜚吻惡蒙泉與玉泉

皆秦中酒名不

屑入栢杓撫部我齊年念舊分能略屢枉高軒過匪徒廣廈  
託謂酒與病宜憂銷寒亦鏐頻頻擔巨甕緩緩教獨酌醞釀  
出羣芳限制定三爵愛味兼色香醉心到筋膜漸覺魂夢恬  
徐看痼疾卻喜公稟中和羨公甘澹泊秦關百二重坐鎮倚  
鎖鑰軍威投醪同民懷飲醇各卽我一身推遙知三輔樂

挽孫文學

念劬

又有人亡歎重教老淚添仁堪爲里選拙可畏人嫌遠荷關

情切

舍弟書來知君問子病致問最勤

衰聞律已嚴操觚慙率爾未盡發幽

潛

今春入秦君以相者言謂年不能過七十一乞爲生傳頌行始屬草應之



至日

養夜無如昨夜長朝來一線苗初陽三千里外書初達

頃得家問

十九旬中藥徧嘗稍許病夫開卷暇翻嫌賀客款門忙管灰

已漏春消息筋骨何曾尺寸強

醫云冬至後可以漸愈

余酉州詩

并序

崇慶女子余酉州州民余長安女也長安以事戍楚中

妻劉氏入都爲夫申雪塗中病死長安在戍九年父母

皆八十餘酉州年甫十一與其舅劉貴同至京師乞都

察院轉奏籲

恩釋放得如所請詩以美之

兒生十一載父戍已九年楚蜀地壤接不能奮飛到爺前

一解

蜀山何岩巖楚江亦浩瀚兒身在閨闈兒夢通襄漢

解二兒鮮

兄弟子一身父之父母逾八旬桑榆奉養嗟何人

解三兒雖有

父卻無母萬里閒關隨阿舅片辭入告

主動容遂許竝親返田畝

解四

木蘭替爺征緹縈上帝書生女

較生男誰云竟不如我歌余西州以媿彼丈夫

解五

朱方伯動饋鯉率占二百字謝之兼索隴州鹿脯

自我忝舉比卽叨粟肉繼得閒時清譚有酒必沉醉一朝感

風痺萬緣盡捐棄猶餘嗜好存唯此飲食議公不笑我貪頻

頻餉珍異鳧誇大於鶴鰠訝猶如臂遂爲諸君倡徧獲庶羞

致病中諸親友晨昏侈盤飧左右盛肴馔縱能饜飮久未免

饕餮忽聞剝啄聲云是藩垣使貽我雙鯉魚計鱗七十二

疑解腰間符漫剖腹中字始知元駒妙遠自黃河至雖養益  
益間而饒池沼勢敢教校人畜急遣庖丁試因加一飯餐病後  
晚間皆食鬻直抵百朋賜人當知止足食亦貴限制臨淵已  
是夜獨啜飯無羨見獵又妄覲既萌入林念兼席得隴志公心倘能推我  
腹尙堪置

送劉主簿

叔重

之官簡池

尺書無日不曾通捧檄今看入漢中殘臘早春行自好崇山  
峻嶺去何窮地交秦蜀民情異官有尊卑吏治同聞道終南  
多藥物病夫還賴起衰功

得周上舍

爲漢

武昌殉耗詩以悼之

昔歲次大梁與君別燕市今歲在鷄首契闊剛一紀初夏來

秦中邂逅倍增喜時還同宴集暇或討文史我旋患風痺君  
尙時臥起扶牀勞慰問搜篋貽藥餌君才雖云高君遇乃極  
否一身慳富貴八口靳妻子有兄宦瘴鄉骨肉存無幾力疾  
欲省之天寒戒行李我謂君病深陽和宜少俟衆論亦僉同  
力尼不可止獨攜書五車去走塗萬里洲從鸚鵡經山向鳳  
凰指仙蹤叔禪遙鬼趣正平邇何時得歸葬此去儼送死文  
人多命薄君薄竟至此招魂歌楚些布奠薦沅芷知爾了無  
戀難忘嘔心耳所幸枕善軒一編挂人齒何當定遺文

君有枕善

軒詩行世尙餘  
駢體文未刻

收拾同授梓

題王叔明秋窗良話圖爲盛孝廉

思本

時孝廉將之豫章

山樵異代蒙殊遇畫有

先皇御題句

畫有乾隆辛卯秋御題五律

舊傳南浦相臣家

畫爲南昌彭文勤家賜

物近落西園公子處西園公子今孝章金題玉躐什襲藏況

聞三絕擅家法物得所歸應益彰我到秦關欣握手那堪旋  
抱沉疴久虛過素節負佳辰安望高軒招密友泰定三年歲  
丙寅遙遙四百九十春秋山青青秋樹赤呵護得非有鬼神  
山樵本是趙所出謝舅何甥兩無匹鷗波亭杳黃鶴飛欲往  
從之悵然失自憐枯楊病支離辱君攜圖來索詩藥爐經卷  
鎮相伴雖有逸情無好詩蕭齋素壁暫張挂濡毫草草還君  
畫天寒愁送客遠行何日秋窗更良話

詠史同陸孝廉

繼輅作

才大公家重心高同列輕八州曾作督五鼎已甘烹咳唾恩

偏易睚眦讐亦成可知臺閣上後起有廷評

除夕作

我生六十六除夕所遇未有今年乖自從五月揆末疾至今  
左體攣筋骸景光虛度良可惜醫藥雜進寧非差故園遠隔  
數千里兩地相憶難爲懷昌黎送窮有陳例我欲逐病天之  
涯況逢三冬久無雪愆陽卻少陰燮諧春溫預愁災沴降麥  
秋更祝蝗蝻埋杞人之憂併此夕暫借酒力來攻排扶持賴  
有稚子侍談笑喜與良朋偕頻添商陸然巨燭和風頓暖三  
間齋但期巖壑靜入夢那管車馬喧填街夜闌意倦且伏枕  
晨雞又聽鳴喈喈

昭陽作噩

元日二首

自爲秦地客歲籥又潛移災薄天還戒

是日日食僅見四川河南陝西三省陝西

分數較多年豐俗漫嬉閉門辭賀客條硯寫新詩其進屠蘇酒何

妨飲最遲

客以勤爲禮吾因廢得閒往來都不問拜跪已全刪病盼條

風到情憐舊雨關

是日得老友莊虛菴書

頗聞吳米賤無計遂南還

二日夜中三日清晨微雪

猶是春前雪居然夕復朝也同三白見

朝野僉載正月見三白川公笑嚇嚇暫

使六花飄老圃蒼生甲中田麥潤苗天公徇人意聊慰衆心

焦

題秋獵圖

涼雲不飛遠鴻遰木落郊原多曠地碧天溶溶秋氣高弓燥  
手柔宜縱轡林中有鹿走且僵更射封豕追封狼風毛雨血  
滿空灑馬蹄蹴起塵沙黃一圍獵罷日將夕歸去傳杯恣行  
炙子桓自快鄴西遊此樂而今可如昔誰歟好手作是圖農  
隙講武人爭趨

國家秋獮有大典我亦上塞曾馳驅高堂素壁重凝目繫犬  
呼鷹儼身逐相如子雲賦雖讀未抵丹青懸尺幅

題楊司馬

瑛和印譜

楊君老工詩道翰人爭祕豈知筆墨外篆刻亦能事家故富  
弄藏印多畱款識唯此譜一編朱白燦文字郎君重手澤遠  
道攜相示大都由匠心兼復含古意雖非壯夫爲自是儒者



藝我昔與君交未聞擅斯技始悟才苟長不妨隨所試時從  
客窗展聊遣病懷寄因君感亡友宿草非一地屈指方薰桂

穠

易三君並  
工摹印

及君而有四後人可皆賢保之垂奕世

哭莊徵君

宇遠

垂老交彌寡惟君意最親過從平日數言行畢生醇家本承

華臚躬曾歷苦辛文章收衆譽孝友邁時倫邇昔題襟早追

歡迎襟頻小山終待隱故里已推仁

君初居仁里後徙  
周家街之小山堂

桃李

栽培廣詩書韻沐新敷奇慳蕊榜名顯動蒲輪大吏章交薦

諸生軌可遵豈知旋託疾遂竟倦趨塵我亦歸田隴情還略

主賓聯吟尋古蹟攜榼趁芳辰雨漸驚非舊星常感嚮晨那

堪成遠別同是困長貧聞病勢相憶貽書特致詢

去歲予患  
風痺屢札

寄  
問謂逢尊有酒每歎巷無人獻歲書方報逾時計已臻八年  
偏長爾一哭恰當春抑鬱嗟誰語沉緜苦獨呻何能揭潛德  
握槩幣敷陳

春陰

寒食濃寒一夜生清明天氣不清明春陰恰似人長病三月  
不聞啼鳥聲

丁香二首

細雨斜風盡日忙閒庭開落負丁香休疑生性原柔弱未必  
甘心賸海棠

素豔紅情兩費猜移根別自宛陵來可知花意如人意百結  
愁腸解不開

錢郎

洽斯

嘗墨畫菜把贈莊刺史

所

莊疊韻題之屬子同

作

歸去窻愁圓欲蕪客窗挂壁有新圖但期咬得根能斷便是  
人間味最腴

肥甘厭後轉思清嬾擷東風作肉羹試看萬錢輕一日膏粱  
容易誤公卿

綠葵紫萼列疏經異種空勞記洞冥況有漆園工諷詠不徒  
罄室擅丹青

立夏日小集近林精舍牡丹花下分得衣字

九旬春事悵全非風轉清明又上衣富貴最難畱本色

牡丹之白

青尤

病衰自易息塵機尙拌痛飲金尊倒每愛高談玉屑霏

櫻筍莫嫌厨冷澹看花佳會近來稀

四月二十五日招同陳生

瀚洪生

泗李生

印全

韓生

振歐

王生

達

王生

介

集近林精舍芍藥花下作分得條字

記品花王魏與姚又看婪尾殿春饒天中僕指剛旬日座上  
論心趁此宵大戶莫辭皆酩酊老夫且慰久蕭條諸君努力  
登華省自悵翻階舊夢遙

送同年董中丞

敘增

入覲

自公分陝雨暘宜述職重逢赴

闕期海內人皆尊鎖鑰天中節又送旌旗片言正誼原家法

三接承

恩有

主知調燮已儲它日望入秋先佇慰離思

五日

自我來關中四序迭移柄兩逢端五日今衰殊昔勁半體已

苦攀同聲忽難應

時以感冒失音

心愁佳節負會與良朋訂榴花昏

眼明蒲酒醺顏映昨得南中書淫潦絲春令又聞鄉人說競

渡今年盛未免觸歸思誰能發遊興憂樂已胥忘災祲猶欲

禁求艾庶蠲疾繫絲聊續命我非望長生但求長卻病

五月十日

去年今日病初罹屈指流光正一期仙到術窮難示藥人緣

命舛反災醫

連日齋肅扶乩仙於紫治之法略未指

安心未

悟修齡訣問歲先興樂土思

時直隸山西山東河南俱有旱災

忽憶童時如

夢境抱孫置卻自含飴

是日先祖諱日謝世六十三年矣

許大令

復科

由秦入蜀出其大父刺史

承著

鴻案傳經圖

乞題爲賦二百六十字

我昔未志學君已成進士壇  
樹旌旗門牆萃耆杞因仲而

交伯

乾隆己卯與君弟承志訂交

頗辱忘年齒君出事數  
厯我居抱文史

契闊移星霜迢遙隔山水  
歲在大淵獻北征戒行李舟同楊

望泰

蔣齊耀莊達吉

流迥沈沂沛君時刺臨清  
繫纜共投止

惻款道寒暄眞率略彼此  
傾杯互戰拇張樂恣悅耳豈知信

宿別長與參商比泊余宦齊魯  
哲嗣早繼起

令子紹錦官莒州牧子親家也

還往喜同官愛憐及穉子  
遂申昏姻約不以寒陋鄙倦或先

歸田貧偏難返里憂果能傷人  
沈縣竟不起文孫幸接武巴

蜀又筮仕攜示傳經圖時年才壯爾室中有縞綦紉下垂環珥通經方足用治譜實所始可憐風波厄猶保尺幅紙題詩無多人僂指半爲鬼回憶論交初忽焉三世矣嗟余嬰末疾久病慙後死話舊有親串披圖重續似客窗聊吮豪淚與墨同泚

苦旱二首

去冬苦愆陽三白未應時今春亦多晴閒有滲漉滋夏初逮夏盡甘澤靳弗施偶逢片雲合輒被狂飈吹友風而子雨臭味何差池苗低坐待槁米貴爭居奇屠沽斷市井禱禱勞官司賢者深憫惻庸流自恬熙亦有飽藜藿豈無飫膏脂匪爲物命惜要杜人心欺茲邦素樂土胡亦災降之君子以經綸

庶幾在此時

我夙負豪氣爲病與暑傷遇食咽難下當歌聲不揚亭午熱  
彌酷偃息暫在牀本期四肢適其奈左體僵未能恬枕席安  
望通羲皇須臾日西下扶童就納涼綠陰覆廣庭新月窺修  
廊折枝添倦態入室覓睡鄉惺忪未成夢曙色明東方僂指  
又一日日如小年長胡弗病家園而迺遠梓桑嗒焉每省咎  
懽然獨罹殃人事與天災一一費究詳太華雖云高憂端未  
可方

青門七夕歌

青門三月不得雨種豆南山盡焦土迢迢玉宇入新秋又值  
天孫會河鼓有淚不灑離別晨有車不洗經歲塵雙星各體



碧翁意河漢并絕纖微雲那得心情遙送巧人間兒女猶爭  
禱千絲之蕩五色瓜瓜上金梭誰最好病夫客夜酒自傾但  
以私願祈來生所祈無巧兼無情癡頑老子長康宜

立秋日喜雨

招搖西指氣蘊隆炎官執衡猶自雄忽然四野雲濛濛當晝  
不辨西與東離光一綫透隙中天半猛雷交折衝新來已苦  
一月聾破柱頓教兩耳聰須臾雨勢彌太空宛如飛下羣白  
龍跳珠濺玉庭寶亢此時扑舞想老農燒埆地已翻犁鬆槁  
苗淳然生意融新蕎指日青芄芃二麥可蒔年可豐披襟且  
當四面風雨腳漸收涼意濃纖絺欲換白袷重痼疾況有扁  
盧攻醇酒不徒感昊穹少皞亦樹匡襄功炎官雖威運已窮

挽同年伍堯庶子 法式善

涼飈一夕振庭柯惡耗初聞尚訝譌科近卅年同榜少官經

三黜積薪多名山曾許連牀宿 共遊西山積水常勞載酒過 君嘗表李

西涯墓西涯生日必邀同人至橫水潭暢飲而散從此更誰甘說士孤寒那不淚滂

沱

食報爭看桂一枝寄書猶自問豚兒 兒子戾小字震與令子桂馨先後生桂馨已成

進士官中書君有書謨猷入告惟殫職著錄能傳不藉詩生

來頗掩掩於震也面重開陶靖節 君嘗畫淵明像即爲已寫真苦心誰辨李賓之 君有西年涯論

來屢爲人琴慟後死空慚老病支

秋雨

秋雨渾忘歇連絲暮復朝市傳糧減價山想藥生苗眼暗書

慵展心枯酒慙澆天公恐添悶不遣聽瀟瀟

時患耳聾

偶捲筠簾坐頻移竹榻眠蠅鑽舊窗紙蝸引壞牆涎門謝輪蹄擾交多醫卜緣驟涼驚襲體衣薄欲裝絛

### 悲柳驛

柳子驛當官道車馬如雲市塵擾昨朝人自柳驛來爲告近驛新遇災八月一日夜風雨四更水發喧如雷華山山下居民衆此時男女都酣夢可憐生死不分明夢未曾醒身已送天明積尸衝驛過破頭傷額紛隨波平常冠蓋走相續頃刻欲成無定河山神之職惟安奠或者潛蛟起爲變老翁向水聲暗吞自言生長今初見吁嗟乎蒼蒼雖遠天心仁非旱則澇恆不均此鄉何咎罹此屯是理是數難具論

興善寺

入秋一月雨病客興蕭索今日趁新晴肩輿出南部人言興  
善寺地勝可棲託扶童恣眺覽果使心眼擴清陰竹樹紛秋  
色丹黃錯槿亦暫敷榮桂猶遲破萼山僧意殊厚續有重陽  
約且喫趙州茶勝嘗康子藥頓教萬緣空肯受六根縛何當  
驅病魔重理雙芒屨

慈恩寺

城南古招提創數慈恩先我來愛秋光聊使沈憂捐高標多  
烈風仍跨蒼蒼天門外終南山山勢何蜿蜒雙柏落蒼翠修  
篁出嫵媚病軀不良行兀坐維證禪倦尋中令蹟寺有諸河南聖教序  
記創貞觀年其餘衆題名已無宋以前試看千百輩可能一

二傳生爭炫桃李沒迺隨雲煙人自有不朽不然宜學仙

### 薦福寺

薦福有浮圖峩峩百尺崇勢欲埒慈恩大小相爭雄土人與慈恩寺

稱大小還將開與合就卜歉與豐俗云塔縫開則歲歉合則歲豐所嫌地蕪

穢兼苦僧俗庸殘碑唯九字長委秋草叢寺有皇唐三階大德禪師碑額碑斷

尚有數寸相傳宋中葉有客謁范公欲打薦福碑以資遊囊

竟無一字充方喜紙墨具驟驚雷火攻此事久附會名似實不同彼遠

在饒州此近居秦中我非打碑人攸往亦輒窮何須計通塞

作此聊發蒙

### 中秋

兩年風雨掩瓊輪今夕秋光分外新酒可獨豪何藉客病雖

小減更添貧  
天空卻喜雲來少  
身怯還防露下頻  
幾度欲眠重  
強坐恐牽鄉夢到江濱

### 崇聖寺

經年未離閣  
四日雨出行自南而徂西  
遠矚周郊垌琳宮乍

瞻禮丹碧尤崢嶸  
稱沿金勝俗額署崇聖明經資龍象力匡

闕風雷聲

寺有轉輪殿貯明正統五年藏經又寺前二石匣相傳開則有迅雷雨雹之異

步喜通徑

曲坐愛臨流清久處塵十丈難逢水一泓  
故人昔分陝

謂畢撫部

泥

此刹嘗經營既示宰官相復肖尊者形  
得非借香火便抵

絲宗祊碑沈羊叔子臺峙嚴先生此意亦可亮人誰不好名

### 客窗

客窗秋晚倍淒清  
況值連朝風雨聲  
不羨佛修無量壽祇憐

人病有涯生還丹莫換攣筋骨諧俗誰移拙性情費盡南鴻  
勸歸去那堪歸計忽難成

### 苦雨歎

今歲曾苦旱首夏徂初秋秋又苦淫雨緜緜未可休愆陽而  
伏陰厥咎誠何繇頗聞閭閻窄忽變江湖悠水深常沒馬市  
遠堪通舟幾疑雅州住直可吳兒泗賓客已久疎僮奴亦廢  
遊病夫本不出差免泥塗羞屋侵漏淋浪窗入風颺颺自憐  
血氣衰身早披重裘未冬欲塞向方夜思熏篝況同河魚疾  
坐起到曉籌醫庸笑難致藥雜畏亂投何當誅黑蜢更使夢  
白頭旣迴陽光照庶瘳痼疾瘳得非女蝸石煉補有未周或  
者穆滿俯神仙已潛收天心廓然公胡弗商益哀小民易嗟

咨母怪生怨尤吾謂天有情替人常淚流

楊生

炳奎

貽蜀藤鳩杖

我聞博望昔鑿空  
邛竹杖見大夏中  
又聞太師賜靈壽  
尸位卻負禮數隆  
何如扶老名藤老  
堪策掖之差免攜  
兒童楊生知我衰  
且病贈以藤杖鳩  
以銅相傳此杖產  
巴蜀風霜歷更經  
磨礱雖非七十玉  
爲飾得此珍與璆  
琳同況從病後賴  
祝哽烏欲受糧難  
下嚙一朝似鳩不  
愁噎惟口與腹能  
流通所嗟末疾久  
未療安得釀酒逢  
丁公不然且受王  
母拐跛履亦列仙  
班崇君今暫爲六  
月息早晚自有文  
薦雄它時校書上  
天祿吹火會使青  
藜紅我於生平遊  
最健近并無意陟  
華嵩但期安步返  
家衙一枝柳栗隨  
初終



送向大令

宗廟

還滇

憶從繡嶺訪琴堂又送安車返故鄉宦海六旬歸已遂家風  
五嶽願應償可能良會重浮白早已離心到點蒼自歎身宮  
在磨蝎更憑誰指路茫茫

君精李常容之術

費太守

清

招飲看鞠

經年臥病不出門嘉招忽荷開清尊几席精嚴軒牖敞但有  
叢鞠無纖塵治臈之種紛難辨位置曾從故鄉見高下紗窗  
廿四層美人各各開生面看花宜晝夜更宜明燈照壁枝參  
差須臾月影向東出疑是化身千億時主人食單方陸續眼  
福今朝兼口福可知培護久勞心裁得從容暫娛目病夫自  
幸對鞠頻當筵況盡維桑親詩成聊復紀良會唐突那管名

薦禎

朱三方伯勳擢撫秦中奉贈三首

中丞古韓范胸有文武略名齊楊僕重

謂軍門遇春

績久秦關燦

郡縣逮屏藩保障兼鎮鑰行部三輔周爲政卅年綽吏治及  
民情知眞復見灼

帝隆西顧眷世仰北門託方今事魔賊蔓延羣煽虐腹地固  
先籌邊隅宜緩度南山與北山藏疾蓋非昨兵將愼勿移斥  
堠守宜各但能泯聲色自可裕盤錯會占寇氛消永使民氣  
樂公已

賜貂蟬圖形佇麟閣

軍旅事暫施翰墨緣長訂歷觀仕宦場習尙各求應或踵事

增華或矯枉過正豈知古大臣道在與時稱先憂而後樂相  
去豈逕庭園曾司馬築繖爲皇甫贈卽或賦閒情亦何妨實  
政故人昔分陝謂畢撫部沅頗以豪華勝維時有洪亮吉孫星衍

文彩互彪炳公今況澹泊僚屬賴澄定寶佐數陸耀遼董曾

臣後先亦輝映峩峩終南館花木自深靚士也遊其間合與

龍門竝

三峯森太華夢寐風昔縈去年六十六始作關隴行幕府容  
揖客賓筵遲酒兵其如匝月住遽苦末疾嬰進退兩維谷滄  
熱忽再更猶復枉高軒時來慰餘生明年道無梗千里煙塵  
清倘得理舟楫逝將返江城所喜豐遷拜公作邦家榮所惜  
久因依我耿離索情願移南紀節俾遂道左迎庶幾慰暮齒

重與傾巨觥此詩作左券畱以申前盟

送同年董撫部教增移節嶺南

獻賦同江國回頭過卅年公頻建牙纛我久臥林泉昨赴關  
中約如尋日下緣還因憐旅病幾度慰牀前

暫擁甘涼節彌徵威德寬宜忘一家哭正使兆民歡氣本鍾  
河嶽名應埒范韓可知春有腳別寓肅霜寒

帝爲清操簡人多樂土趨但能輕翡翠自可靖萑苻文酒時  
乘暇羅浮興莫孤瀛波喜長宴何止浦還珠

我是三秦客同殷去後思別猶勞命駕送未遂臨岐嶺暖羣  
花早江遙雙鯉遲明年歸計準重見定何時

十二月十八日大雪十九日招同人集近林精舍修東坡

先生生日之祀卽和東坡病中大雪用號令趙薦詩韻  
抱疾昔獨吟倡予恆鮮和久晴得快雪不飲更難奈瓣香在  
眉山遙邇地初墮文章今炳燦風浪昔衝鋒人生幾開口難  
博笑齒瑳試問蟲處禪何如蠶行磨急聯裙屐流匪侈珍錯  
貨當其高興發肯受衆物挫詩思入寥天琴聲徹廣座張大令善  
琴但能百觚醉遑卹千日臥庶幾卜豐穰聊復慰坎壈猶  
瑞花舞砌已瓊屑沈嬾作剡溪遊欣聞蔡州破時滑縣賊初平何當  
廓氛祲盡使裕租課便甘東郭寒亦願西山餓敢繼二蘇篇  
以爲三白賀

和作

黃 錯

坡公多雪詩尖又苦難和君詩更逼人搜枯我無奈當

年香案吏岷峩偶然墮詩獄走倉宦海入顛簸料理  
三西湖聊供一笑嗟可憐藟散未珍珠出春磨執政彼  
何人鞠詩比黠貨孤月此心明終未一毫挫迢迢七百  
年供以旃檀座猶愛桑弧懸苦恨石麟臥收菴才似公  
生涯仍坎坷皎皎冰雪胸不受塵埃沈昨集酒兵強攻  
許愁城破撼令如撼山督詩猶督課那知枵腹人出語  
究寒餓笑上雨髯翁

君翁亦似坡公

以爲生日賀

### 王履基

坡詩筆猶龍拙手未敢和險韻迫窘時往往喚阿奈先  
生詩壇豪吐欬九天墮能將曲珠穿那怕散錢簸圓如  
彈丸脫潤比玉色嗟我詩蠶於牛團團不離磨又若窮

市牙店底本無貨鼠璞與質鼎排設氣先挫羨公古球  
鼓爛然臚上座低頭拜元龍真向樓下臥載酒問字亭  
遠軼宣陵有梁國宣陵公詩清氣勝埃壘未許浣惟清  
故能剛筆力餘地破我成拉雜變未脫童子課枯腸作  
雷鳴嚙唾不救餓一夕歐心肝愧煞錦囊賀

周曰堅

琴心僂三疊鼎腹熬百和詩壘卷旗降酒兵棄甲那霞  
霽玉兔昇燄烟金蟲墮蒙斟壺鼻欹劇譚箕石簸流微  
戛錚鏦霏屑門璀璨枵腹窘懸瓠枯腸澀轉磨歲單逼  
送窮日富庸總貨剗刀鋒善藏黃石堅莫挫鰕生有備  
庶鶴侶識稠座畫壁龍遶飛搯牀龜伴臥轅駒困局促

擺驤伏塊坳鑄金歷劫灰繡絲絕塵泥神交匪貌合形  
似執道破句效乙乙穿圖按九九課程門得趨立袁室  
那窮餓公等龍虎豪我亦燕雀賀

疊前韻祝先生疾速瘳

王履基

先生末疾嬰刀圭手煎和長安賣藥人誰是伯休那足  
豈下堂傷臂非上馬墮六氣偶風淫二豎竊弄簸三杯

酖顏頰半笑皓齒瑳客疾本無根心空參達磨

坡詩心空客疾

本無根又欲求達磨安心訣磨作仄讀

葆茸亦凡品俗薄鮮真貨既少九

折良詎計一毫挫不如樂詩酒賓朋延廣座健可扶杖  
行倦卽倚榻臥病魔等窮鬼往往欺塊坳氣旺彼自逃  
白圭蠅敢沈轆轤雖經年伎倆已窺破請進紫霞觴安



減黃庭課但師東坡達猶勝杜陵餓春和腰腳輕吉語  
敢預賀

題張大令履程

滇南樂府

大節無過忠孝奇管彤爭數女中師盡收六詔英靈氣併入  
文昌百首詩

詩成字字挾風霜寫以琴聲總帶商底事溯源炎漢始西涯  
近派接西堂

歲暮雜感

選者台垣李有星秋來氛祲忽冥冥青宮小試屠鯨智紫禁  
俄銷聚蠃形三輔協謀成拱衛六師分道出郊坰責躬更有  
明廷詔保佑潛邀

吳緯靈

光天下敢逞么磨喫菜無端競事魔城社窟深滋蔓久閭閻  
情怯脅從多荒原白骨新添鬼秋漲黃流又決河經國惜無  
劉晏在司農籌費竟如何

河朔烽煙次第清豕韋猶恃一隅穿環城日擊貔貅隊裂地  
宵轟霹靂聲劫至孰逃焚玉饒功成還荷析圭榮梁公本是  
西平後不獨楊無敵擅名

南山羣盜熾隆冬藉口還因旱澇重大抵無禱蔽肢體居然  
伐木禦鋸鋒兵徵凱後方雲集歲卜春前況雪濃再奏捷書  
宜善後好將牛犢勸耕農

兩載沉疴又偈除講堂風雪渺愁予挽弓手已難擒賊炳燭

心猶戀讀書此病更無餘病比今年那望去年如何當速返  
江湖權長詠昇平守敝廬

莊公子

葆誠

以瑪瑙杯見贈賦謝

天寒風積雲不開舉酒欲飲無尊罍莊生好古復解事貽我  
舊藏瑪瑙杯我聞瑪瑙亦第一千載丹邱逢火熱此杯色澹  
如輕霞是鬼脂膏非鬼血閒來仗消病與愁獨酌益藉旁人  
酬君不見南山塵高骨如莽酒到頓生濠濮想

除夕在劉表姪

川霖

渭南縣齋度歲與莊大

析

話舊各贈

一首

治績重聞渭水傳依劉且復度殘年養生素拙難祛病爲政  
能勤卽是賢商陸添因吾歎老眉蘇飲羨爾居先東郊屢報

衝車過小醜何愁更蔓延

是日楊軍門遇春高統軍  
杞過境往剿南山賊匪

力疾衝寒雨不辭定文遠乞最相知久交漸覺朋遊少往事  
都如夢境移身後名山空約略眼前暮景任奔馳明朝八十  
談何易矍鑠休忘行樂時

附和作

莊 旂

讀徧瓊琚玉佩辭素心何異寸心知雲如東野蹤相逐  
斗是南豐論不移此夕盍簪非博簊有人擁旂正驅馳  
際曉楊提軍  
遇春過訪 添君一片韓陵石取次春醪待獻時

子 辰

姪學彭 校字

亦有生齋集詩卷第二十九